


2m 3 4 5 ▲ 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2



釋淨土二藏義卷第十

盡禪宗問答

性頓義三

沙門了譽述

問此義不審真言度方機經文分明六波羅密經云
若諸有情造四重八重五無間罪謗方等經一扇提
等種種重罪不能消滅爲彼等說第五陀羅尼藏上
大毘盧遮那成佛神變加持經云若人犯十惡五逆
等罪比丘四重比丘尼八重罪如大地微塵數誦此
咒一遍悉滅無餘已惡性人等猶以頓悟涅槃何況
善性人耶此則大日如來善巧力故值真言者於此
一生直滿直證等覺薩埵不入此教不能覺悟見思

兩惑未斷。九夫值此法者。即身成佛。平等普益。獨在真言。何云難行。故金剛頂經云。修此三昧者。現證佛菩提已。易行大益。唯真言耳。但至菩提心論文者。非是釋本機。若入真言門。所修教法甚深。秘藏家上乘宗。故能修機根。即被云上根上智人也。外道者不必本源三師枝流六師等。真言門意不許顯教得道。依之大日經云。諸佛大秘密外道不能識。上此乃不知真言。皆名外道也。故覺鑊尺云。九種住心。皆名外道也。上二乘者。亦非是聲聞緣覺二乘入真言門已。不留權實成佛故。指三一乘法云。二乘法也。如何答先

此義不當上。既云若有上根上智之人。不樂外道。二乘法有大度量勇銳無惑者。畢後而云。宜趣佛乘。何云。宜趣佛乘。後上根上智耶。亂文前後自由。斲闇誰學者。而許之乎。次下云。今真言行人。旣破人法。上執法。是豈非以上根上智之人爲真言能修之人耶。終所結。尺速證大覺位。何云平等普益乎。故大日經開題云。自非上上決定信解。空空無著之心智。誰能信。難信之法。入難入之門。已要略念誦經云。相無相。甚深。小智不能入。依無相說。相攝。彼二種人。已十住心論云。若有上根上智人。能信能修。即頓超十地。入佛。

地比三摩耶戒序云上根上智之人先知乘之差別
已夫高山水有降深谷之能寂頂教有度下機之功
度下機教必兼上根故名平等普益化上根法未必
兼下機^是非泄機耶凡佛法甚奧五乘之機通令
得一種悟以是而爲大乘至極真言教門既以上根
上智度量無惑者而爲其本機漏二乘人何名平等
普益但至菩提心論二乘會尺者此會尺不當大日
經云不共聲聞緣覺亦不普爲一切衆生^{此本經既}
^云不共聲緣本論所尺二乘何云非聲緣二乘乎次
至六度經并大日經文者凡付根障二有利鉢輕重

四句一根鉢障輕二根利障重三根利障輕四根鉢
障重彼等經所度恐應是根利障重者歟智者逆惡
如達多機前開逆即是順悟利根造罪如鶩崛言下
登不喜法忍位何依重罪之言忽忌根機之差具如
下釋次至外道不能識之文者誰知大日經指諸教
名外道但是應內外相對言外道不能識故菩提心
論云又諸外道等戀其身命或助以藥物得仙宮住
壽^已本論既指實外道本經何不爾此文既實外道
也不樂外道何云指諸教乎但大日經疏有違文若
會彼者經外道實外道因外道言四句分別時外外

道外內道內外道內內道等釋之也若爾者皆名外
道釋一向不可用之也云當知惣持一門爲顯通大
乘不信者所儲一途別說也何等五乘齋入一味等
味無生涅槃平等普益廣大弘願無妨無导清淨功
德他力一乘乎問此義不審若以化愚鈍而成教勝
者真言最勝攝真實經云然今此法大毗盧遮那如
來但爲利益鈍根人於大智慧海略出秘密法上惠
果記云高山水有降深谷能寂頑教有救鈍根力上
若以化二乘而成教勝者真言寂勝疏一云如一闡
提必死之疾二乘實際作證已死之人諸佛醫王明

見如來性故則能必定師子吼於救療之因緣心不
怯弱諸菩薩尚不能爾故復明不共一切摩訶那羅
延力上若以度不淨人而成教勝者真言寂勝觀音
儀軌云不簡在家出家飲酒食肉有妻子等但誦此
咒必得成就上此外無所漏機何云非平等普益何
得言之難行道耶答十住論中以淨土門機判怯弱
下劣菩提心論中以真言門機釋上根上智二論同
是龍樹所造何向上根上智文返立鈍根所被之義
何見_五大度勇銳釋恣成怯弱所度之旨故大日經疏
云從初發意以來得精進大勢無有怯弱猶如師子

所執縛必獲無遺已但至攝真實經文者素多覽言
因別意趣阿毘達磨依法相說故以論上根上智文
得意經文於上根中且成利鉢歟或可根鉢障輕者
歟惠果釋亦此意耳其上爲鉢根人略出秘密法是
三密瑜伽方便也故大日經云甚深無相法劣惠所
不堪爲應彼等故兼存有相說上知對無相三密利
根以有相三密機且云鉢根當知有相三密者是爲
劣慧之所兼存勝行也爾者以此可爲末世衆生之
依怙故大日經疏云若不以方便消融諱穢則此不
生之金無由可得行人亦復如是若不以三種秘密

方便供養行門消融百六十心鑽石之塔何以得此
淨菩提心已其有相三密者又彼疏云入真言門略
有三事一者身密門二者語密門三者心密門已又
云行者以此三方便自淨三業即爲如來三密之所
加持乃至能於此生滿足地波羅密已又云身等於
語語等於心猶如大海遍一切處同一醜味故云平
等也已又云以身平等之密卽語平等之真言心平
等之妙觀爲方便故逮見加持受用身如是加持受
用身即是毗盧遮那遍一切身遍一切身者即是行
者平等智身是故住此乘者以不行而行以不到而

到名平等句已又云若諸行人殷懃修習能令三業
同於本尊從此一門得入法界即是普入一切法界
門也比如此向三密瑜伽壇場住三平等觀修如實
知自心行末代愚鈍凡夫豈得如說修行乎是猶名
鈍根況無相三密乎言其有相行相或云不闕法則
晝夜精進亦說漸次修練進入佛位或云晝夜四時
精進修或云不鬪法則方便修行或云如說修行得
至淨菩提心豈是易行况云兼存有相說知非是但
有相行次疏文者既云諸佛醫王明見如來性心不
怯弱亦言諸菩薩尚不爾知是能化明見非機得悟

經即云不共聲緣論亦云不樂二乘何違經論成釋
義耶故知非是證據也次觀音義軌文者非是通途
機密宗之習別有子細若一人若三公公卿已上人
志若內大臣許之其以下不然既是一類益也何云平等普益十
住心論第一云若有衆生生輪王種姓有大度勇銳
不樂前姓住宮則許大日所乘速疾神通寶輶已故
知雖設度鈍根應是根鈍障輕者雖設度罪人應是
根利障重者雖設度菩薩應是不度二乘雖設度不
淨應是非万人雖設度鈍根障重者應是發菩提心
者何云平等普益乎淨土教門五乘九法界二乘一

闡提五逆謗法根機利鉢罪障輕重廻心未迴心發
心未發心悉以令成佛豈非平等普益乎何況於末
法濁亂衆生刀兵劫起凡愚者諸教所不度真言所
不化則知爲末法九夫諸宗教門有教無人有名無
實唯有淨土一門可通入路誠哉此言故大經云當
來之世經道滅盡我以慈悲哀愍特留此經止住百
歲其有衆生值此經者隨意所願皆可得度已法滅
衆生尚爾况當今末法乎間三時興廢顯權所談常
住普益密實誠說何號末法今而成聖道難行義殊
真言教者超越三時恒常三世何以顯權不了假說

難密實如義真說大日經云越三時如來之日加持
故身語意平等句法門上金剛頌經義釋云大日如
來一佛身法界宮中成正覺自性所成自眷屬三世
常恒常說法上教王經開題云夫道之本無始無終
教之源無造無作亘三世而不變遍六塵而常恒雙
圓性海常談四曼自性重如月殿鎮演三密自樂入
法法爾興廢何時機根絕絕正像何分上如何答道
之本基督教之根源無始無終無造無作人法法爾根
機機絕論何上代末代曰那正法末法今經說亦無
所作亦無所有不起不滅得平等法一家大師釋真

如軀量量性不出蠢蠢之心法性無邊邊體則元來
不動無塵法界凡聖齋圓兩端如如普該含識恒沙
功德寂用湛然並此意也何寄事於理性一如重不
許分流教法興廢乎凡於大日經有三本內本不同
一法爾常恒本諸佛法曼茶羅也三世法界無始無
終也二廣本於自性法界宮各說三密門是也理趣
經開題云廣本即法佛合說上三大本龍猛涌出本
十萬頌三百卷經是也理趣經開題云分流十萬頌
本者龍猛菩薩排南天鐵塔親遇金剛薩埵菩薩傳
三密道膜承五智灌頂傳持秘密藏漏出物持金剛

一乘深教各十萬偈上四略本今七軸經也疏云阿
闍梨言毗盧遮那大本有十萬頌以涉廣難持故傳
法聖者採其宗要三千余頌上都部陀羅尼目錄云
毗盧遮那成道經大本十萬頌可有三百卷唐國所
譯本七軸上於四本中初二本不及見聞覺知次二
本分流小本也然大日經文者疏云次明群機嘉會
之時所同聞法即經所謂越三時如來之日加持故
身語意平等句法門也然此經流布闡浮提略有十
方偈上是則指三密平等云加持指大日如來名義
云越三時之日也故疏次下云身等於語語等於心

云次至義釋文者既云法界宮中等即當第二廣本故非難者也次開題文者已云道本教源何以釋初法爾常恒本之文而致難耶大小分流兩本應隨上代末世自有興廢乎況末師所釋用不可在意云金剛頑部攝真實經云於當來世法滅之時金剛夜叉爲降伏衆生而開焰口噉食未發心衆生衆生爲適夜叉難故發菩提心即於其時授此真言已此經分明說當來法滅何云不立三時耶又云若末世中聽受此真言刀病不能害水火不焚漂已此文亦說云末世中何不許正像乎問此文還成真言潤色既當

來法滅之昧刀兵劫盛衆生尚依金剛夜叉善巧方便發菩提心真言得益法滅之時尚有況末法今乎何云今時難證耶故大日經疏云金剛手爲令未來衆生具足方便無復余疑故以偈問佛已况云猶如大海遍一切處同一醜味故名平等句義上何云非平等普益耶爾者云何答惣持教法亦於末世雖有利益彼是降伏冥益非攝受顯益雖發少分狀離道心非平等普益但其結緣應少現益何等淨教普益今經云值此經者隨意所願皆可得度一家大師釋爾時聞一念皆當得生彼慈恩大師判彌陀一教利

物偏增彼時衆生悉是下根下智非真言機機教既不相應何有平等大益只是隨分結緣故大日經疏云真言密印或久或近無非毒駁因緣故經云皆同一味已但至同一醜味言彼明三密平等觀非是機平等獲益故次上云身等於語語等於心此則三密畢竟同躰一密意也故云同一醜味若強言三密同體故機得益平等者三密一密同躰觀成者但卽唯誦直觀之者平等句義故得益應然大日經云心虛空菩提三種無二比疏六云若行者初發心時能如言正觀心佛性者是則名爲入如來定上若不如此

者結緣之益終不唐捐是云一味故疏云或久或近無非因緣故云一味如次上引故知法雖談發心卽到還機修觀時機有頓漸趣故悉地不一准志雖期直修直滿當機修行時卽非易行易證故久近唯馴毒發緣豈云非今時難證難行道乎

問望末法時機以佛心宗可云今時難證耶答爾也難云此義不明凡立正像末大小權寶顯密諸教意也文字不立何立正像方便不假誰許難易只是本來寂滅廣大妙心之宗旨也於這裏者尚不見興盛之相況亦有廢襄義故見性論云不立文字不假方

便直指人心見性成佛。已信心銘云、大道體寬無易
無難。已既云圓同大虛無欠無余、孰分難易。若強成
難易義相直指人心、至道要術。故應言易行。何云難
行耶。故三祖大師云、至道無難。已爾者云、何答。本來
妙明元清淨體、人人具足心地。生佛未分極位也。真
如法性宗旨雖義有少違、法體本自一致也。故華嚴
云、一法界淨天台談文外之妙真言、立無相三密。我
宗名之一法句於本來寂滅廣大妙明元清淨之處。
無教行證差無正像末別上無攀仰下絕己躬從來
無向背自元絕羅籠無塵法界九聖齋圓兩端如意。

昔該含識恒沙功德寂用湛然。指之即云不立文字
見性成佛。已經云、毗盧遮那世尊入於一切如來
一軀速疾力三昧說。自證法界性三昧言、我覺本不
生出過語言道遠離於因緣知空等虛空。已法華經
云、諸法寂滅相不可以言宣。已淨土經云、不欣世語
樂在正論。知一切法皆悉寂滅。已若言此等如來說
外別有甚深秘密之義堅非佛說。何教宗師許祖門
義。若言雖不許之可立我宗義者亦是邪義也。非問
答限但雖同不說一字。汝亦不聞道理禪教會得其
義大異。至如其殺活機鋒曲直手段不理會處。即承

當沒滋味，上而咬著向銀山鐵壁通路上百尺竿頭，
運步乃是一宗之建立故諸教不類處亦有之耳。踏
得如此向上一路，騰入物外田地，非下根人所能也。
故求嘉大師云：上士一譯了一切中下多聞益不信。
已既漏中下根機何名平等普益乎？知是難行道，但
至三祖大師釋者先無易無難者約大道本躰若還
機修行時何無難易耶？即所引文初云：至道無難，但
嫌簡擇。祖無憎愛洞然明白，毫釐有差天地遙隔。欲
得現前莫存順逆違順相諍是謂心病。已所云至道
無難先舉大道本然但嫌簡擇等已下明大道修行

所謂簡擇憎愛順逆勝劣得失是非一切脫去。今時
衆生無分何得大道現前豈非是難行道乎？故龍牙
頸禪師云：此門廣大無遮障。學者雖多達者希。已誠
哉此言問猶以不明夫祖佛正宗三世諸佛說說說
不到也。歷代祖師傳傳傳不受也戒威音王那畔戒
無持無犯禪木空劫已前消息無定無亂既指生佛
未分名本分田地示天地已前號自性靈知何依三
時興廢云：今時難證耶？其上不立文字不假方便猶
是隨順教內湊詮門意也。若言其教外表詮門則真
正知見是所謂見見不見以不知故知知不知以不

見故當知雖有所見境界各各不同能見能知更無
有異知見雖異知體見體一體不二離能見見即是
真見離所知知即是真知不作意見任運真見不作
意知自性靈知知體靈靈不染五受見躬了了不移
四相心如明鏡心如虛空指此之理或云靈靈不昧
或云了了常知豎超三世靈靈一知橫遍十方了了
一心心不思惟自然知境知不分別任運照物玉馬
登金梯金鷄鳴琪樹木馬嘶風涇牛吠月月照粉壁
間寂白燈入紗籠內正紅九厥顯密二教聖淨二門
但其論別相暗惣體禪諸行惣也何混常流乎然則

建立教時爲判淺深配立次位爲明因果論斷證爲
轉凡入聖談出離爲出分段弁成不爲叶果位也此
禪法宗不然本無煩惱何立淺深本無因果何用次
位本無愚智何立三學本無惑理何明斷證本無分
段何存出離本無凡聖何期成佛若言斷者空華圓
影若言證者陽焰婆城時教斷證顯密二道意次位
三學大小兩藏談然則禪人不斷證而富智德斷德
聖財不一位而超等覺妙覺關域諸教悉赴對治道
禪門獨顯真知見既不立證何假修行既不起行那
依教文既無教行證何論正像末若不立三時那云

今時難證耶。汝宗就經道滅盡之父，募得益於遞代。禪門既
是經教外也，何云當今無機乎？正宗記引大論云：禪定肉持戒皮智惠骨微妙善心髓夫微妙善心者亦甚承佛而密傳者也。吾佛昔之妙微密心而超然出于經教之外，已教外別傳本據蓋依乏耶？如何答靈知知真見見自性寂住運照超然離言說卓爾無依倚。唯理唯性頓教所談更非可證。雖然還機修行之時智眼明理性通志堅固具三闕一尚是不是。况具二闕二、何况三種無分。今時道俗實智眼盲、非智眼明。諸法理闡非理性通徹底行慳非志堅固。

設雖志堅固若非理性通者非禪門行人設雖理性通若非智眼明者亦非作家先生設雖智眼明若非志堅固者亦非禪門正徹設雖志性堅通若非智眼明者亦非禪門學者設雖性智通明若非志堅固者亦非禪門根機其言志堅固相者辨取今生明生一劫百劫千劫万劫誓設鐵輪轉頂上定惠圓明終不失人身爾出頭來而成一聞千悟此則微微結緣也猶不足言難行道乎其上汝宗調機一乘故無解會則勞而無功故古人云承當非無只是無人知云

凡厥入三種正機具五種正信於億億中未有一人
何云不難行但至不立教行證故不存正像末者法
躬法爾之時自他宗共即雖如是還機修行之時既
許會得不會得承當不承當達磨云吾本來茲土傳
法救迷情云既存迷悟何不許正像若存存悟不悟
云無像末首始如掩耳嗚鈴豈非是人情乎我淨土
教門究竟窮極大乘即相不退宗旨故雖不翻凡夫
實我寶法憎愛順逆邪念住洞然明白無人無法觀
速安在無生本際猶如反掌未籍思量一念功不覺
轉入真如門豈是非易行大術耶如言本無煩惱者

猶是汝宗斷煩惱觀心也如言元是菩提者亦是汝
門證菩提見解也爭如我宗不斷煩惱得涅槃分故
智覺禪師万善同歸集二云當知自行難圓他力易
熟如劣士附輪王之勢飛遊四天凡賢假仙藥之功
昇騰三嶋實謂易行之道疾得相應慈旨叮嚀須鑑
胎玉六肌居骨上真歇清了禪師淨土說云佛佛授
手祖祖相傳唯此一事更無餘事釋迦老子住世七
十九歲說法三百餘會聞法悟道者不可稱計一大
藏教五千三百四十八卷可覆視也然所說之法隨
機而授一說而已獨於西方淨土之教言至于再三

至于諄諄屢說不已不以淨土爲趣凡入聖之捷徑
教無量壽經華嚴法華凡數十部皆慇懃指授西方
若慈母_諭^其赤子_上又云如死心新和尚天衣懷禪
師長蘆贊禪師圓照本禪師南嶽思禪師法照禪師
淨慈大通本禪師天台懷玉禪師梁道珍禪師毗陵
真禪師唐道綽禪師淨慈窩禪師皆宗門大匠已悟
不空不有之法_庚^中志教於淨業者非淨業之見佛
簡易于宗門乎_比死心懷和尚勸修淨土文云彌陀
甚易念淨土甚易生而世人不肯信向但只貪生不
知死上樂邦文類三云揚無爲傑_懷^{天衣}謂云衆生根有

利鉢其近而易知簡而易行者唯西方淨土也但能
一心觀念勿擣散心依彌陀願力直超安養更無他
趣決定成_成功龍樹所謂易行之道依他力故也此禪
門宗匠淨土易行所釋不遑毛舉於印真歇禪師法
語殊對宗門云淨土之見佛簡易于宗門豈非是以
宗門謂難行道又於禪師中勸修淨土之言其文非
二、海口難_多龍舒居士淨土文云參禪大悟遂脫生
死輪迴固爲上矣然至此者百無二三若修西方則
直出輪迴而生死自如万不漏一故予欲勸僧家上
根器者參禪之外每日以頃刻暇修西方若參禪大

悟，遂超脫輪迴。尚去佛地極遠，更往見阿彌陀佛。展
禮致敬，有何不可？若未得大悟，而壽數忽盡，且怪生
西方，見佛聞法，何患其不大悟也？若不修西方，不免
隨業去，雖如青草堂戒禪師真如詰，皆汨沒輪迴，誠
可畏者。已長蘆贊禪師蓮花云：「其有淺聞單惠，或與
少善相應，便謂永出四流，高超十地，舐訶淨土，慙憇
娑婆，掩目空歸，宛然流浪並肩，牛馬接步，泥梨不知
自是何人。」擬比大權菩薩是其惑也。已同師頌云：終
日波波不暫停，世人何暇廣看經。教君捷徑修行法，
但念西方六字名。已陽明禪師頌曰：「有禪無淨土，十

人九蹉路。陰境若現前，譬如爾隨他去，無禪有淨土。方
修万人去，但得見彌陀，何愁不開悟？無禪無淨土，鐵
床并銅柱，万劫與千生，沒人依護。有禪有淨土，猶
如戴角虎，現世爲人師來世作佛祖。已樂邦文類三
云：彌陀教觀戴于大藏，不爲不多。然佛化東流，數百
年間，世人殆無知者。晉慧遠法師居廬山東林寺，機
獨拔爲天下偈，鑿池載蓮，建堂立誓，專崇淨業，號曰
白蓮社。乃厥後善導懷感大闡於長安，智覺慈雲盛
振于浙石，末流延爽，正道梗塞，或束縛於名相，或沉
宜於豁達，故有敗念佛爲虛行，忽淨業爲小道，執隅

自蔽育無所聞雖聞而不信雖信不修雖修而不懃於是淨土教門或幾乎息哉嗚呼明教觀孰如智者乎臨終舉觀經讚淨土而長逝矣參禪見性孰如高玉智覺也皆結社念佛而俱登上品矣業儒有才孰如劉雷柳子原白樂天乎然昔康筆書賦而願生彼土矣如是觀之自非負對明卓拔之誠達生死變化之數者其孰能信於此哉上禪教宗匠勸修如是但至大論引文者何因云禪宗本據誰知淨土本據論言妙微密心者當楞伽所云我乘內證智我乘內證智者大經所云佛智是也論言出于經教之外者當

楞伽所云妄覺非境界妄覺非境界者大經所言不思議智不可稱智等四智是也凡集一代種種諸經總有一百洛刃部之中佛智上教門理性上事相即相不退事理俱頓法門全所不說也故云經教之外楞伽云證得歡喜地往生安樂國粗顯此密意大師釋云佛密意窮深教門難曉三賢十聖弗測所闡上果分易行限在我宗耳且付三宗釋成今時難證義已竟自餘諸宗准之應知此土入聖道門者如上云總名自力分判教者問聖道諸宗尚依佛力成三昧何偏云自力且如真言大日經疏云然此自證三

菩提出過一切心地現覺諸法本初不生是處言語盡竟心行亦寂若離如來威神之力則雖十地菩薩尚非其境界況余生死人已答若與而言之則諸教有自力有他力淨土亦有他力有自力今如所難即是此義若奪而言之則諸教雖有他力他力弱自力強淨土雖有自力自力弱他力強謂余教意行者自力爲本次請諸佛加持故云自力淨土門意彌陀願力爲本次勵行者三業故名他力天台大師十疑論云一者自力二者他力言自力者在此娑婆修道瑣瑣經云初發心菩薩戒身相續戒行不闕經三祇劫

始至初住辭如跛人步行一日不過數里極大辛苦言他力者若信彌陀大悲願力即得往生辭如劣夫從輪王行一日一夜周四天下上

釋淨土二藏義卷第十



釋淨土二藏義卷第十一

盡獸穢義
一六道名

沙門了譽述

相頗義

頌曰 相頗即是易行道

他力秘術佛意教 即相不退頓中頓

往生無生淨土門

義曰自下八十三頌正釋相頗淨土門也於中初之一頌釋相頗義義當標目次之八十二頌即釋因緣品位之別於一門中而有衆多義於一一義中各有標釋結當文應釋今即初也於中初之二字是總標也次之五字釋易行道是即對上今時難證難行道也次之一句釋淨土門是即對上此土入聖聖道

門也。次之一句，釋他力門，斯乃對上，惣名自力分判教也。後之一句，成惣標相頤之義，義當結文。今此四句自有九義，四句相連，九義轉成。所謂以相頤，故是易行道，易行道故，即得往生。若得往生，速證無生，無生，即是淨土門也。淨土門，是他力秘術所言他力，是佛意教，佛意教故，即相不退，即相不退，名頤中頤，頤中頤故，即是相頤。云相頤者，是淨土門也。問圓頤，實義前已彰竟，既言色心無二性，相不離，今何各別立、相頤教答，彼雖言無二會心明色，雖談不離歸性，融相理，談即理事修相行，今此相頤終窮極談濟几。

秘術直立方域，即無方域，正假色相，即無色相，無行無二而悟，色心於一法，不解不離，而開性相於一心，不改見生，當體之凡夫不覺，轉入無生本際，不斷煩惱迷本之衆生，立地證得涅槃，常樂以有相心，契無相悟，以事相行，入實相門，事中得理，理中施事，理事縱橫，自在無碍，佛願開發此功，凡愚合會，彼位祖安，相名爲顯，超過唯理唯性之頤教也。據實而論，理事縱橫，頤中頤也。唯此今經事理俱頤，問於三論宗亦有二藏二教二頤之名目矣。然彼相頤談即事而真，尺而說實相與今相頤同異如何，荅全不可同，所以

者何。彼宗性頗真如聖默，義如不變。彼宗相頗即事而真義似隨緣。雖是性頗上立相頗共以理內寂照二德故。屬性頗或可義兼兩向攝後分教以其後宗三車宗故。今此性頗亦是四車圓頗宗也。西河尺云大聖三車招慰羊鹿之運。權息未達。侄攀大車亦是一途。比三車之教。權息未達。侄攀大車亦是一途。何以權息末達之宗而混即相之頗教耶。侄攀大車宗旨機情一乘故。待機悟解正玄妙也。況權息未達宗旨乎。若無解會則有名無實。今此相頗佛願所建故理事縱橫。佛意一乘故而不待機悟解相是即相生。

是無生一道春風鴈去鸞來莫以相頗名言相似而却混同金鑰者哉。即是易行道者問十住論易行道廣通諸佛亦是此土不退轉也。今之相頗局在彌陀亦是彼土往生門也。何云相頗即是易行道耶。荅相傳云彼彌陀章委於餘段故玄忠師等捨惣從別偏就彌陀判易行也。云今私云易行證文正在彌陀上故知龍樹論主因別釋出惣故至文中委釋彌陀此則諸佛因明彌陀直辨元祖玄忠深探論意偏約彌陀示次會此土彼土不退者相傳有三義一義云准要集意彼論意諸佛彌陀共是此土不退也但於彌

陀章有其傍正。釋此土不退之義。傍釋彼土不退之義。即彼論云。若人種善根。疑即華不開。已又云。若人命終。時得生彼國者。即具無量德。是故我歸命。此約往生。故玄忠約彼土慧心。約此土名據一義。並不相違。云一義云。彼論意餘佛。是此土不退。彌陀是彼土不退也。纏綽顛等只引一章判易行。故若存此義。論云。阿弥陀佛本願如是。若人念我稱名自歸。即入必定得阿耨菩提。已此文全似稱名往生願。云云。一義云。彌陀餘佛悉往生不退也。彼論意釋阿彌陀佛等及諸大菩薩稱名一心念。亦得不退轉。上既以

餘佛同於彌陀。彌陀若往生者。餘佛豈不爾哉。一種易行不可分。言有聖道淨土二門。故云今又私一義。云易行證據既在彌陀。彌陀易行偏約往生知。餘佛易行亦可往生。設雖餘佛易行許通此土。義只是隨宜轉用。往生即是易行正義也。彌陀餘佛此土不退義。可云亦是彼論隨轉理門說也。云往生無生淨土門者。往生無生所證理也。淨土門者能證教門。往生已後。即證無生。往生之無生。故依主釋也。據實而論。乏往生者無生。異稱也。往生即無生。故持業釋也。問往生者何義耶。答。往者捨此往彼。生者蓮華化生法。

華云。即往安樂世界阿彌陀佛大菩薩衆圍遶住處。
是生蓮華中寶座之上。已上是義也。若約實義言。往生者是即無生。見生當體即是無生。無生而生。即是往生。往生無生。即是無生。理事縱橫。即相不退。唯我真宗事理俱頓。大師釋云。淨土無生亦無別究竟解脫金剛身。云間往生徑路。是幾途程。答。太經云。去此十萬億刹小經并稱諸佛功德經。淨土阿彌陀經等全同。

疑云。觀經云。阿彌陀佛去此不遠。已稱讚淨土經云。從是西方去此世界。過百千俱胝那由他土。云大阿彌陀經。上云。正。在四方去。是閻浮提他界千億万須彌山佛國。平華覺經上同。

之。大集經云。百千億佛刹。已悲華經云。百千万億佛土。已觀音授記經云。西方過此億百千刹有世界名安樂。已十住斷結經云。無數佛土。已何如。是相違耶。答。經經異說。暗以難知。但若依一家大師釋者。以十万億可爲正歟。天台弘明防經義記。止觀第二觀經疏。淨影觀經疏等。亦以同之。但至難文者。先觀經文一家。高判存三義疏。第二云。一明分齊。不遠。從此超過十万億刹。即是阿彌陀之國。二明道體。雖迷去時。一念即到。三明韋提等及未來有緣衆生。注心觀念。定境相應。行人自然當見。有斯三義。故云不遠也。已淨

影疏存一義同一家第一義天台存二義一義同今
家第三義一義云光臺現土顯於佛額一念能緣故
言不遠上龍興記云此處雖遠作因易往如彈指項
餘經約處此經約因故不相違上此義同大師第二
義又千福禪師立十不遠群疑論第六云一佛力不
遠經言以佛力故當得見彼二方便不遠經言有異
方便令汝得見三應現不遠經言阿彌陀佛住立空
中四自心不遠經言是心是佛是心作佛五守護不
遠經言常來至此行人之所六有緣不遠經言有緣
衆生皆悉得見七本願不遠經言宿願力故有憶想

者必得成就八來迎不遠經言而諸化佛來迎行人
九往生不遠經言如彈指項即生彼國此義同大師第二義十
不放逸不遠如涅槃經云夫放逸者雖得近佛猶名
爲遠亦但專心行不放逸即名近佛不名遠也取次
至諸經同異者異誣雖不同大都以十万億爲不可
會同異數所謂數有大小如一數億有四種億等也
譯有新舊如新譯云俱胝舊譯云億等也世界有大
中小如恒河沙爲一世界三千界爲一世界一四
天下爲一世界等也是故諸說各據一義並不相違
以是大經迷記寂云顯遠近中千億方者謂千億至

方此就一四天下國土而說文云須彌山佛國故十
万億者謂億至十萬此是言億者是十萬爲億即當
俱胝之數舊經論中俱胝之數多翻爲億如三千大
千世界舊經云百億新譯云百俱胝故知此億即當
俱胝非落刃也若千萬爲億應云億億何言十万億
觀音授記經云億百千者只是十萬億也何故此經
與舊本不同者以億數中多少不同或以十萬爲一
億或以百万爲一億或以千萬爲一億或以万万爲一
億所言千億萬者依十万爲一億也千億即是十
該此該至方即是十那由他言十萬億者依千万爲

一億也然則去此瞻部州至安樂世界過十那由他
須弥山也一三十大千界中有百俱胝須弥山即是
十萬三千世界也猶讚經云百千俱胝那由他佛土
者爲千俱胝同與舊經那由他已尋云所云十萬億
土者各以一大三千界爲一佛土歟若爲如何答十
萬億土寬狹難知大師高判無其釋故但寂師意以
三千界爲一佛刹歟斯簡以千百億須弥山而爲一
佛土諸說同異故云疑云天台云十萬億刹一一刹
恒沙世界比余者何云三千界耶答對娑婆根機令
知極樂之時准此眾相可說所經界量也娑婆既以

一大三千界爲一佛土。十万億土亦可然乎。但至進
文者他宗人師釋也不能會通。定有宗人新簡歎今
試會之委見彼釋問難去此不遠之文云。安樂國土
去此十万億刹。一一刹恒沙世界。何言不遠。已是問
言也。問起從非何必而爲定實之言乎。只是以有恒
河沙三千界而爲一佛土。唯依十万億土難去此不
遠之文計也。云或可約須彌山世界而論之者。一三
千界中各有萬億世界。故通總一一刹云。有恒沙世
界數云。或可木論云。十方恒河沙三千大千國土。是
名爲一佛國土。是中更無餘佛寶。一釋迦文。已然釋

迦與彌陀二佛既殊。若十萬億土各以一三千界爲
一佛國者。如恒河沙土中恐有交餘佛之失。可違大
論文故。且云如此數。問既云過。如是過方得往生者。
何云無生。答長蘆宗贊禪師蓮華勝會云。夫以念爲
念。以生爲生者。常見之所失也。以無念爲無念。以無
生爲無生者。邪見之所惑也。念而無念。生而無生者。
第一義諦也。是以實際理地不受一塵則上無諸佛
之可念。下無淨土之可生。佛事門中不捨一法。則總
攝諸根。蓋有念佛三昧還源要術。示開往生一門。所
以終日念佛而不乖於無念。熾然往生而不乖於無

生故能凡聖各住首位而感應道交東西不相往來而神遷淨域此不可得而致詰也已但此師所迷尚是通途機情得悟未極即相無生佛願不思議可思擇之云即相不退頓中頓者選擇集云天台真言皆雖名頓教猶許斷惑證理故由是漸教也未斷惑九

夫出過三界故以此教爲頓中頓已

婆婆教門自有三內因外緣及品位

頌曰內因即是心行業

安心有二總別是

義曰自下八十二頌正釋三種法數於中初之一頌是總標也次之五十七頌釋內因門次之十一頌釋

外緣門後之十三頌釋品位門今即初也於中初之一句先總標有三門次之一句次別標三門次之二字內因總標次之五字是列章也言於內因門中亦有三門心者安心行者起行業者作業第四句是別標安心門於中初之四字亦是安心之別標也次之三字是列章也言於安心中亦有二種總者即是總安心也別者即是別安心也內因者凡內外名目隨事不定若諸佛如來遂其願心諸佛爲內衆生爲外若衆生歸佛衆生爲內諸佛爲外今言內因者衆生歸佛故以衆生所有而爲內因以佛勝緣即爲外緣

因緣之義至下應知大因然則若依五戒十善等因
感人天果局因果故不別待他力勝緣若今凡夫生
報土時願力不加不可生故別以佛願爲增上緣令
凡夫行成報土因辭如一滴水依龍力成大雨問感
分段界有內因緣牽及易生亦有內因緣今何立內
因外緣不云內緣答淨土宗意弘願強牽得往生果
是故但立他力外緣不云內緣其實往生亦有內緣
所謂善貪以爲內緣法事讚云不貪淨土無生解脫
障已此文即以不貪淨土爲往生障故知貪即上
內緣凡受生法以惑爲緣知往生時以愛淨土而可

爲緣故感師許桂對法論九種命終分段愛支潤淨
土生或種子或現行雖有二義皆以愛緣而生淨土
義寂亦許愛潤淨土生問若余者何故智論八云問
曰若菩薩漏盡云何復生云何受生一切受生皆由
愛相續故辭如米雖得良田時澤終不能生諸聖人
愛糠已脫故雖有漏盡生因緣不應得生答曰先
已說菩薩入法位住阿鞞跋致地未後肉身盡得法
性身非三界生也已彼約漏盡明自力義今約凡夫
釋他力義二力雖異無緣義同何強立愛緣答受生
法必由愛緣但智論文言漏盡者約分段感法性土

生何無細愛爲內緣義故同論云順道法愛為因無明爲緣生法性土已間千福禪師等許分段愛智度論明及易無明相違如何答彼師依相宗七地已前猶分段義故云又禮序中即以三心可為內緣謂依安心修五念行必待心心必牽行故知三心以爲內緣五念念佛以爲其因如云果不孤起必籍於因因不孤起必待於緣可云往生果不孤起必籍行因因不孤起必待三心故知三心以爲內緣佛大悲願以爲外緣内外二緣不可闕減但玄文釋外緣略三心內緣者乘佛本願力在三心以外顯內故不別釋

問若爾者今何以安心而爲內因門又散善義云辨定三心以爲正因上觀念法門云至誠等三心爲內因以佛三念願力爲外緣已答若立此義因緣之名所望不同或有佛大悲爲因機信心爲緣然一處釋等言三心正因者對往生果因緣皆因又見佛緣文者内外相對佛願爲外緣三心名內因故今釋此義不遮因中亦立緣名煩惱爲緣是其證也如明受身因緣或父爲能生因母爲所生緣或自業識爲內因父母精血俱爲外緣其例甚多不遑具引云或可本願他力外緣之外可無內緣難思佛力超情班常知

往生時外緣之外更無內緣不思議佛力何借生之
變緣是故大師釋結要門云迴斯二行求願往生已
釋弘願云大願業力爲增上緣已要門弘願成於万
機往生因緣在文分明悉之又散善義觀念法
~~門~~
其文如上今文亦依此明文於內因門中列安心
起行作業三但至禮序精簡者何定安心起行如次
內緣內因心行業三中行業一既是同內因也安心
之一何是內緣若是內緣大師定可別說之既無別
說定與彼同况一處釋分明以至誠等三心屬內因
何曲文就義云安心有一等者問安心名義如何答

以正思定所求所歸去行之三即爲安心也意正當
三心而摠安心非其全分云

頌曰摠安心中亦有二 瞎欣及興苦提心

頌曰狀欣心中復有二 瞎穢欣淨通物心

義曰自下十五頌釋摠安心於中初之一頌是摠
標也次之十三頌并第十四頌上之三句是其釋也
後一句是摠安心結也今即其初於中初之一句正
摠標摠安心次之一句是列章也次之一句是厭欣
心之摠標也後之一句厭穢欣淨別標也厭穢欣淨
者往生要集中立十大門其最初也又玄義云生死

甚難。狀佛法復難欣。比般舟讚云。九夫生死不可貪。
而不狀。弥陀淨土不可輕而不折。狀則娑婆永隔。忻
則淨土常居。隔則六道因亡。輪迴之果自滅。因果既
亡。則形名頓絕也。已問。厭生死。欣涅槃。是小乘用心
也。淨土大乘何勸厭欣荅。大小乘教雖同。厭欣所期
是別。勿謂小乘獨生厭欣緣四諦境。發四弘誓。大小
同故。何況淨土即是即相。大乘自然頓教。豈不前言
見生願心。感無生果。辭如能用兵者。養賊爲兵。故非
所痛云。

狀穢義一

頌曰。狀離穢土。有六道。

地獄。餓鬼。及畜生。
脩羅。人間。及天上。

欲界。五趣。上。唯天。

義曰。自下一十二頌。釋狀穢義於中初之一頌。是標
列也。次之十一頌。是其釋也。無結文者。但是頌略。今
即初也。於中初之四字。是惣標也。次之三字。是別標
也。次之二句。是列章也。後之一句。是略釋也。或可上
之二句。是五趣門下之一句。是三界門。五趣。指有情
三界。是器界。所云五趣。約名。即是五趣。以除脩羅。故
約體。正是六趣。攝鬼畜天。故言欲界。具有五趣之生
上。色無色。唯有天衆。云是分惣相。若言別相。欲界即

有二十處也。色界卽有十六十七十八處也。若無色界，有四處也。言欲界有二十處者俱舍云。欲界有二十處。八大地獄。四州六欲天及餓鬼畜生。又云。八寒。是八熱攝。八中州。是四大州攝。脩羅鬼畜攝。故名爲二十處。上色無色界分別相者。如下具說。云狀離穢土等者。廣釋狀穢義。光明三輪建立等之相。次釋三界六道等體。初言三輪建立相者。且依俱舍意。一者風輪。世界欲成立之時。以衆生增上力。故一道硬。風遍三千界。最下。余時諸天唱云。此劫欲成時。云此風輪廣無數厚。十六洛叉。此云踰繕那也。極堅密。如

此云遠揚風大論云。八方風不能動。

億

寶光天
上物才二禪

金剛能持世界。此名毗藍風。故彼頌云。安立器世間。風輪最_下。其量廣無數厚。十六洛叉。此云十六萬丈已上二者水輪。有情共業感。故光音天下。金藏雲。燄驛降。猶如車軸在風輪上。此水輪未凝結之時。厚十一洛叉二万踰繕那也。而凝結之後。水輪減。唯八洛叉踰繕那也。故彼頌曰。次上水輪深十一億二万下八洛叉水餘。凝結成金。上三者金輪在水輪上。厚三洛叉二万踰繕那。此之水輪及金輪各量。併十二億三千四百五十踰繕那也。周圍三倍。謂三十六億一万三百五十踰繕那也。故彼頌曰。此水金輪廣徑。十二洛叉三千。

四百半周圍此三倍已所云金輪名爲地輪金水二合能持世界猶如金剛二合輪上亦降大雨深同有頂大風亦起而吹前水清天濁地山谷峨峩水波高下於三輪中其風輪者三千界中唯有二也水金二輪方億有之也但有異說增一阿含二十七云闍浮地厚六萬八千由旬水厚八萬四千由旬水下有風輪六萬八千由旬也風下有金剛輪過去諸佛舍利盡在其間示若依大乘意花嚴經云此大地厚八十四萬億里地下有利風厚八十四萬里風下有水厚四萬億里水下有火厚八十四萬億里火下有八十四萬億里水下有火厚八十四萬億里火下有

沙厚八十四萬億里沙下有金剛厚八十四萬億里諸佛全身舍利盡在彼金剛刹中金剛舍利復厚八十四萬億里諸佛碎身舍利盡在彼刹彼有佛刹名曰妙香佛名不住彼碎身舍利下厚八十四萬億里有國土名清淨佛號遍光詔於此大地上有九山有八海所謂須弥七金鐵圍山也須彌水際已上八萬減八山各圓遶須弥山須弥山新云鷲迷盧此云妙高四寶所成也北面黃金東面白銀南面青琉璃西面赤頗臍迦寶也七金山者是諸天仙之所住也皆

是金色一踰健陀羅山此云持雙山頂有二道故也
高四萬由旬此山去須弥八萬由旬也其之中間刹
內海也二伊沙馱羅山此云持軸峯上聳如車軸高
二萬由旬也三竭地洛迦山是西國樹名彼木多此
山故呼爲名其木如此間丹木故云丹木山非是正
第二內海也四鷲達梨舍那山此云善見山見者
翻高一万由旬也此山去持軸二万由旬也其之中
間第三內海也五蘭達梨舍那山此云善見山見者
稱美故也高五千由旬也此山去丹木山一万由旬
也其之中間第四內海也五蘭濕縛迦那山此蘭名

也彼聳鬚大而如馬耳此山似彼故云馬耳山但是
非正翻高二千五百由旬也此山去善見山五千由
旬其之中間第五內海也六毗那陀迦山此云象鼻
山峯形似彼故也高一千二百五十由旬也此山去
馬耳山二千五百由旬也其之中間第六內海也七
尼民達羅山亦是西國聳名其聳鬚尖山形似彼此
地無故翻譯無之高六百二十五由旬也此山去象
鼻山一千二百五十由旬其之中間第十六內海也已
上內海皆八功德水八功德水者一廿二令三軟內
輕五清淨六不臭七飲時不損喉八飲已不傷腹臍

云耳冷軟堅淨不臭不摸喉去彼尼民陀羅山三
已不傷腸是八功德水已上

億二萬二千由旬有鐵圍山高三百十二由旬半也
其之中間名第八外海醜水盈滿頌云入水皆八萬
妙高出亦然餘八半半下廣皆等高量山間有八海
前七名內海最初廣八萬四邊各三倍已於第八外
海上有四洲於中南州下有地獄也此云一須弥建
立如是千數云小千小千千倍云中千中千千倍三千
大千世界是名一佛所王國土於此六千界中有
千百億須弥建立同時成壞頌云四大洲日月貓迷
盧欲天梵世各一千名一小千界此小千千倍證名

一中千此千倍大千皆同一成壞上從三輪建立國
土成立一中劫也衆生漸漸從上界下乃至阿鼻生
初十九中劫也故此器世間一衆生世間下九合成
劫二十劫也其後衆生住滿二十劫是住劫也二十
劫者所謂器情合成從長至短次第身長二千釋次
形色光明次飛行自在次壽命無量次財肥出沒脂
肪次地味出沒亦名甘露乳味次地餅出沒亦名乳
凝地皮次香味出沒初起駁食懶墮心故次身光隱
沒敢食重故次日月出現菩薩慈悲故次林藤出現
競飪食故次香稻自然生一唯有粳米二鮮白無皮

三朝作夕出四財縉貪欲次便道二出次男女異根
出次男女異形體次欲貪鬼魅亂心次分田定疆次
田主出利利種次貧窮次劫盜他財次兵杖刀劍次
殺害殺生次顏色憔悴已上五位自八萬歲時也次壽命
中大次邪姦貪取心次貪窮偷盜次兵杖殺害已上四位
自四萬歲至于四萬歲時也次壽命
次非法姦次非法食次非法見從一萬歲減至五百歲次不
聞五穀次五行嫁從五百歲減至十歲時起而於此即小三災
一却未及饑饉起初却未饑饉起始却未刀兵災起故曰刀兵之年隨至又大學之中却未三災化起之減劫之隨一起一刀兵災七日二疾疫災七月七日三飢
一却未及饑饉起初却未饑饉起始却未刀兵災起故曰刀兵之年隨至又大學之中却未三災化起之減劫饑災七年七月七日也是名一減劫也又從人壽十
六許劫而才九忘是可之亥庚才一減劫之十三灾四則通考卷之本末而似是起始列言也

歲百年增一上上昇進余時諸天告云此世既欲壞
何不生狀離次慙愧修十善依之子齡增親次壽命
長遠二十歲次不殺生次不偷盜次不邪姦上三
如此展轉至八萬歲無有溝坑荆棘又無餘蚊蟲蛇
虺是名一增劫然後從八萬歲百年減一至五百歲
是十八增減後第十九唯增無減并最初一減劫名
住劫二十劫也其後壞劫亦是二十劫也其二十劫
者十九劫中減有情世間第二十劫壞器世間或同

壞故俱舍論云有情世間十九劫壞器世間後一劫壞或同上言其壞劫相者先有四重壞次有六十四轉壞門重壞者一日輪熾盛溝池乾草木焦二者三日并出江河竭大海三分減三者五日并出大海漏騰山石烟燃四者七日并出須弥巨海一時洞燃是火災初也於此之間逕二十中劫時節其後空劫亦北中劫其後成住亦各如向其後壞劫火災如向是火災第二也下去准知六十四轉者火水風三災從無間下起如次壞初禪侵二禪損三禪付之七火

一函經三
火三種水火
度半至極毛
禪風火雲霞
金木燒云故火初為二九三種

一水如是七七火七水七火一風曰之六十四轉所

火水火
水火水火
水火水火

謂火災七變水災一變如是至七變火災每七變水災一變故火災七七四十九也水災七水也并四十
九火即成七八五十六轉又火災七變風災一變
火風合成八井前五十六即成六十四轉也總而言之火災七八五十六變水災七變風災一變故云六
十四轉也第六十四轉壞劫之後世界空虛猶如黑
闇更經二十增減時節是名大空劫二十劫餘六十
三轉每度名小空劫也此成住壞空四劫各二十中
劫者分別三劫俱舍有兩說一者一增小劫一增減
中劫二十增減大劫也二者一增減小劫二十增減

中劫也八十增減大劫也今二十中劫者用一增一減爲一中劫也已上三輪建立丸山八海四劫三災六十四轉畢以下釋三界六道之體也有六道者是別標也珊瑚獄者問何故名地獄耶答梵云奈洛迦亦云泥梨此翻苦器然言地獄者非是正義但是地下獄故名爲地獄亦云黃泉玄黃即是天地異稱地下泉故名爲黃泉意同地獄所言獄者是獸名也具云犴獄俗云野大宗門千字文註云仙鐵圍犴獄亦作犴並音岸野大也又野獄曰犴乃惡獸名二十八宿井木屬之犴之爲物登山則食虎豹入水而啖蛟龍

皇陶所造星矣一千九百人中王代記書有
舜命九官禹都鑄契皇陶垂白卷伯夷蓋文龍

三義卷之三

皇陶不造

芒富堯七言故皇陶所造繫囚之處以此獸爲名曰犴獄令人略
中古宣亡七言呼獄也所造牢獄之門即作此獸張口食人之狀令
禹皇陶鑄后樓伯夷蓋龍譜玉其囚入從茲口入如與此獸食之也佛說鐵圍地獄
蓋彭即如世間犴獄之名也比餓鬼者問何故名餓鬼耶
答梵云閻梨多此云餓鬼飢水食名餓形愧陋曰鬼
答生者問何故名畜生耶答殊貯自生故云畜生或
答生者問何故名畜生耶答殊貯自生故云畜生或

同上

可爲人被畜已生命故云畜生云修羅者問何故名
修羅耶答具云阿修羅此翻非天體如人不仁而名
為非人瑜伽論云阿修羅此云非天多謗誅無天行
故如人似人不仁云非人此亦譏無酒彼中一類即

有不飲酒者以別名惣或可依不飲酒因受修羅生
故身力大也以因名果故云無酒或可彼宮無酒四
天下華醞於大海龍魚業力其味不變眞欲斷彼故
云無酒神此是約物爲名亦翻非端正女皆端正男
多醜陋約男立名故六非端正亦翻無數種類衆多
形體醜陋大小非一故云人間者問何故名人耶答
二儀顯後人一生故云一生今用拂別二點非是古
文字天上者問何故名天答於三歲中以一先故名
堯也今用一大亦非是古字彼稱天理自具天德而
生天中故名爲天亦是天者自然之義亦是自在無

導之義但於天即有四種天所謂名天生天淨天生
淨天今所言天者是第二生天也義亦應通第四淨
天

釋淨土二藏義卷第十一

釋淨土二藏義卷第十二 盡人道

沙門了譽述

狀穢義二

頌曰 等活黑繩及衆合 叫喚大叫喚熾熱

大熾熱及無間獄

是名八大熱地獄

義曰此之一頌釋八大地獄於中初之三句是其正
釋後之一句是結文也無標目者但是頌略等活者
在此闇浮提之下一千由旬縱廣一万亩旬以人間
五十年爲四天王天一日一夜其壽五百歲殺生之者墮於
壽爲此地獄一日一夜其壽五百歲殺生之者墮於
此中間何故名等活耶答此中罪人互懷害心若適

相見猶如獄者而得逢鹿各以鐵爪而互爛裂血肉
既盡唯有殘骨涼風吹來等活如故或有空聲唱云
此諸有情可還等活或諸獄卒取持鏞叉打地唱云
活活歎然復起如前受苦有如是事故云等活黑繩
者在等活下縱廣同前以人間一百歲爲忉利天一
日一夜其壽一千歲以忉利天壽爲此地獄一日一
夜其壽一千歲殺生偷盜之者墮此中矣問何故名
黑繩耶答以鐵繩縛罪人拚罪人懸鐵繩張鐵網故
云黑繩衆合者在黑繩下縱廣同前以人間二百歲
爲夜摩天一日一夜其壽二千歲以彼天壽爲此地

獄一日一夜其壽二千歲殺生偷盜邪媱之者墮此
中矣問何故云衆合耶答獄卒駁罪人令入山間是
時兩山迫來合押身軀搘碎血流滿地故云衆合叫
喚者在衆合下縱廣同前以人間四百歲爲都卒天
一日一夜其壽四千歲以彼天壽爲此地獄一日一
夜其壽四千歲殺生偷盜邪媱飲酒者墮此中矣問
何故名叫喚耶答罪人受苦殊切揚聲叫喚故云叫
喚大叫喚准之可知也天叫喚者在叫喚下縱廣同前以人間
八百歲爲化樂天一日一夜其壽八千歲以彼天壽
爲此地獄一日一夜其壽八千歲以殺盜媱酒妄之

者墮此中矣問何故云大叫喚耶答如上加二字揚聲叫喚勝前故云大叫喚云熑熟者在大叫喚下縱廣同前以人間千六百歲爲他化天一日一夜其壽一万六千歲以彼天壽爲此地獄一日一夜其壽一万六千歲也殺盜婦酒宴耶見之者墮此中矣問何故云熑熟耶答獄卒把罪人置極熟大鐵熬上猛炎炙之左右轉之表裏燒薄故云熑熟大焦熟准可知之天熑熟者在熑熟下縱廣同前其壽半中劫殺盜婦酒宴邪見并汗淨戒尼之者墮此中矣無間獄者梵云阿鼻至在大熑熟之下發界冢底之處縱廣八万由旬

前七大地獄并及別處一切諸苦以爲一分阿鼻獄一千倍勝如是阿鼻地獄之人見大熑熟地獄罪人如見他化自在天處其壽一中劫造五逆罪撥無因果誹謗大乘犯四重虛受信施之者即墮此中問何故名云無間耶答阿鼻至此翻無間即有二義一謂受苦無間涅槃經云間無暫樂故名無間上二謂遍身無間又彼經云一人獨墮此獄身遍獄中間無空處上靈芝新記云其獄四方交過通徹八万由旬身與獄等不相障礙上又於此八大地獄有近邊地獄一塘糲增二屎糞增三鋤刃路刃葉林鐵設拉末梨

林已上三、四熟裂河增此之四處於四門之外各有
之故即成四十六別處八獄如此大小合論即成
一百三十六也已上喻伽俱舍等意正法念經入獄之中十六別處名各別也已上
尺八熟地獄畢

頌曰 阿部陀及尼賴陀 阿晰陀并嚙嚙婆
虎虎婆及鹽鉢羅 紅蓮大紅是八寒

義曰此之一頌釋八寒地獄於申初之三句及第四
句上之四字是正釋也下之三字是結文也無標目
文亦是頌略阿部陀者此翻頗寒苦逼身卷縮如頗
炮瘡故云頗炮地獄尼賴陀者具云尼賴部陀此云

烈亦是瘡名也猶如滑膿流出其瘡卷縮如石蛭曲
故云烈地獄阿晰陀者亦云歇折活囉囉婆者亦云
郝郝瓦虎虎婆者亦云虎虎瓦此之三地獄依受苦
時音聲差別而立其名鹽鉢羅者此云青蓮華依大
寒苦身腐分烈如紅蓮華天紅者具應云大紅蓮華
梵云摩訶鉢特摩添摩訶字殊顯大苦此八寒苦器
在八大地獄傍而爲眷屬問八寒地獄壽量幾耶答
俱舍頌云頸部陀壽量如一婆訶麻百年除一盡後
後倍二十上此頌意有云婆訶麻量器亦是名摩渴

陁佉梨二十佉梨此云斛知一婆訶麻是二十斛量器也盛蒲芥子百年除一除盡之爲一婆訶麻以爲第一地獄壽量此量二十倍爲第二地獄壽此量二十倍爲第三地獄壽後後壽量次第展轉二十倍也應知又有異說玄贊云八寒地獄壽量者如次以八熱地獄壽量半減爲其量也已上釋八寒地獄畢此八熱八寒近邊等地獄之外亦有地獄宗門千字文注云又有十次地獄各有十億小獄而爲眷屬又有孤獨地獄在閻浮提諸處或曠野山間或海畔廟中此則輕罪者入已上來寒熱大小雖異廣釋地獄

道卑

頌曰 無財炬臭口銅咽 少財針臭毛大癰
多財得喪失勢力 是即鬼道三三九

義曰此之一頌釋餓鬼道於中初之三句是真正釋後之一句即是結文無標目者亦是言略問鬼道所屬幾有之耶答起世界經云當閻浮州南鐵團山外有閻魔王宮殿住處已入正理論云鬼本住在於此下五百由旬縱廣亦爾有閻魔羅界從此展轉散趣余方上靈芝新記云閻魔羅具云燭魔羅社此翻雙王兄及妹皆作地獄主兄治男事妹治女事故曰雙

王或云苦樂並受故云雙也獄報是苦居寧是樂此論中散趣余方者在人天間其相甚多或身長一尺或如人量或千由旬或如雪山或有鬼名鑲身或有鬼名食吐或有鬼名食氣或有鬼名食法或有鬼名食水或有鬼名怖望或有鬼生海渚中無有樹林河水之處或有鬼常至塚間擎燒屍火或有鬼生在樹中或有鬼頭髮垂下遍纏身躬或有鬼晝夜各生五子隨至食之或有鬼唯自破頭取腦而食或有鬼火從口出或有鬼食糞涕濃血洗器遺餘今略明其相即有其三類於一類中亦有各三故成九種云無財

炬臭口針咽者此之一句釋無財鬼臭口口字且炬臭二問何故名無財鬼耶答宗密孟蘭盆疏云一無財鬼亦無福德不得食故比靈芝記云賊即飲食比間炬口鬼等三類其相如何答宗密云一炬口鬼謂火炬炎熾常從口出上正法念經云若人貪嫉枉奪人財破人城鄉殺害抄掠得財奉玉大臣轉增凶暴墮熾然餓鬼中比宗密云二針咽鬼謂腹大如山咽如針孔謂破齋夜食盜竊衆僧之食故比齋法清淨經云目連路逢數百万人頭如大山等比宗密云三臭口鬼謂口中腐臭自惡受苦以多貪名利自是非

他讚嘆惡人毀謗賢善故據此三種寧吞鐵丸不食
信施已問密釋炬口針咽鼻口今何不次第耶答但
是頌言爲要不縛次第言爲口字用炬與臭以第三
合第一云少財針臭毛大癰者此之一句釋少財鬼
臭毛毛字亘針鼻二問何故名少財鬼耶荅宗密云
二少財鬼得淨妙飲食故已問旣是餓鬼何少得淨
妙飲食荅靈芝記云淨妙食者雖是穢物餓鬼難得
自謂淨妙已問針毛鬼等三類其相云何荅宗密云
一針毛鬼毛利如針行便自刺爲貪利故妄行針灸
及刺畜生但爲求財不能愈疾故此又云二臭毛鬼

毛利而臭自拔受苦若以販賣猪羊烹宰鵝鴨湯爛
刀剥痛楚難堪地獄罪終墮斯鬼趣已又云三大癰
鬼咽垂大癰自決噉膿由嫉始於人常懷瞋恨故此
靈芝記云癰於郢爻瘤也已多財得并失勢力者此
之一句釋多財鬼得并得字亘棄失二問何故名多
財鬼耶荅宗密云三多財鬼多得淨妙飲食故淨妙
常得祭祀所棄食故以罪多福少少施多怪棄擲之
物方能慧施故已又云二得失鬼謂常得巷陌所遺
食故以於現財常生惺著疑殺失者方起捨心故已

又云三勢力鬼謂夜叉羅刹毗舍闍等所受富樂類
於人天或依樹林或住山谷或居靈廟或處空宮形
堅而行屬於鬼趣此等變化多端者以因地罪福不
藉故感樂相雜故上新記云夜叉此云輕捷羅刹此
云可畏毗舍闍此云啖糲氣形堅行者異於畜趣皆
傍行故感樂者惑謂多疑樂謂不受飢渴等苦今特
作福不識因果互用三寶強勝過人雖徒役力多墮
斯類上要集云或分諸鬼爲內障外障二鬼上宗密
禪師分三障彼疏云又有處說餓鬼有三種一外障
以得遇水時即見人執刀杖等障故二內障有火炬

或咽如針故三無障見河是猛火或食糲穢或自拔
自歟等已鬼問目連經中具說十七種鬼又正法念
經云有三十六種餓鬼不遑具述云慳貪放逸者而
受此報宗密釋云上來諸鬼等皆出自心因行既招
果報必應辭如影響由於形聲雖父母至親不相替
代故諸智者宜各勵心儻遇善緣不應空過一朝去
世誰爲修崇縱託子孫七分獲二况無孝子悔恨何
追已十住心論云慳心不散財定感餓鬼身涕唾無
自在深河炎火開空海間鬼趣壽命幾乎答俱舍論
云以人間一月爲一日一夜壽五百歲上密師云以

人間一月爲一日乘此積月積年壽五百歲已龍樹
菩薩勸發禪陀迦王偈云罪業緣故壽長遠逺有一
万五千歲已此文與俱舍論其意亦同云又正法念
經云餓鬼世界住閻浮提下五百由旬有三十六種
一切餓鬼皆爲慳貪嫉妒因緣所至爲飢渴火焚燒
其身壽五百歲已已上餓鬼道畢

禽獸龍馳兔貝蟲羽毛鱗甲四類雜
頌曰揔有三十四億種盡攝畜貯傍生趣

義曰此之一頌釋畜生道於中上之二句是其釋也
下之二句是其結也無標目者只是文略於釋中初

之一句釋種類別所謂七類次之一句釋形類異所
謂四類亦與雜也於結文中上之一句舉種類多下
之一句是正結也禽獸龍馳等者飛鳥是禽走獸名
獸頭角四支名之曰龍不然名馳兔貝蟲三在文是
顯羽毛鱗甲等者生要集合而爲三所謂禽獸虫
也龍馳兔貝亦是互攝今即七種以攝四雜禽羽獸
類故云雜也是且一往據寶而論四類及雜通於四
類云如此畜類根本大者處住大海支末小者雜居
人天天中地居通有七類空居獸無憚無懼馬受

信施不報答者受此罪報云問畜生壽幾乎答俱舍
頌十一云如是諸畜生或經一中劫受無量苦惱或
遇諸違緣數數被殘害上是且一往說也種類衆多
故壽限非二云已上畜生道畢

頌曰阿脩羅道有二處須彌北海四大州

人趣四州勝報處牛貨勝身闍浮提
義曰此之一頌上之二句釋阿脩羅下之二句尺人
趣也尺脩羅中初之四字是惣標也次之三字是別
標也次之一句是其尺也無結文者但是文略於尺
人中初之二字是惣標也次之二字是別標也次之

三字及下一句是正釋也無結文者亦是言略問何
故於一頌中釋修羅與人答前來三趣各一頌釋今
釋人趣宜作二頌然於修羅有立不立若存不立直
尺人趣故不別尺若亦存立畜後應尺阿脩羅道故
今因尺人道舉之舉此之意明六道義不別尺意兼
明五道或可修羅人趣無多言義故尺二頌其例惟
多云阿脩羅等者此阿脩羅根本勝者居須彌山北
巨海底枝末劣者在四大州間山岩中與天帝譁權
鎮懷嗔恚雲雷若鳴謂是天鼓怖畏周草心大戰悼
日日三時苦具來逼以名聞及勝貞心修善根者得

此報也。云若爲五道時除此道合鬼畜天三。是云合爲五道或可從修羅方見之開置三處合立一道故云開爲五道合爲六道。云問何故配當鬼等三答正法念經及雜心論意形相似鬼故攝鬼趣心無慈悲故攝畜生僧伽陁經亦攝鬼畜二趣瑜伽論及佛地論意威德等天故亦攝天。云正法念云修羅攝鬼道已雜心云修羅是鬼攝已僧伽陁云修羅攝鬼畜上瑜伽云攝修羅於五趣有三說一者攝鬼二者攝畜三者攝天形相相似鬼畜威德等天故比佛地云天攝修羅道已問何故別立一道耶答勢力超世間修

曰兼黑白故立一道問從闇浮提去幾有修羅宮耶答若依十地經妙高北大海底過二万一千由旬有羅睺阿脩羅王宮次過二万一千由旬有勇捷宮次過二万一千由旬有華鬚宮次過二万一千由旬有毗摩質多羅宮次過二万一千由旬有佉羅金駛宮云又起世經意須彌東南去此一千由旬外有毗摩質多羅阿脩羅王宮縱廣八万由旬云問有何因緣與天帝釋常諍權耶答演義抄云帝釋右毗摩質多羅王之女也名遼支夫人因緣問修羅道壽幾耶答第一羅睺阿脩羅王以人間五百年而爲日夜其壽

五千歲第二六百日夜其壽六千第三七百日夜其壽七千第四八百日夜其壽八千枝末劣者日夜壽命不可一准已上修羅道畢人趣四州等者自下二句正釋入趣勝報處者是北洲也梵云北欝單越亦云俱盧舍此云勝報處果報眾騰處故也其形如方座四邊各二千由旬隨其州相人面亦然定壽一千歲無增無減無中夭身量三十二肘四肘形狀從初生至一千歲如南州二十計於四州中果報最勝此州傍有二中州一矩粒婆洲此云勝邊二橋粒婆州此云有勝邊牛貨者是西州也梵云瞿陀尼亦云

瞿耶尼此云牛貨以牛貨易故其地平圓如滿月徑二千五百由旬隨其州相人面亦然定壽五百歲無增無減有中夭身量十六肘佛法少流布彼州有五千大河饒益衆生此州傍有二中州一舍彌州此云諧二溫沮羅繻怛哩拏洲此云上儀勝身者是東洲也梵云弗婆提亦云毗提訶此云勝身具云眾勝身於四洲中身力眾勝故其地如半月東邊三百五十由旬三邊二千由旬隨其州相人面亦然定壽二百五十歲有增減中夭身量八肘彼州少佛法流布彼有八千四百大河各爲衆生作利益此州傍有一中

洲一提訶洲此云身二毗提訶洲此州此云勝身云
闍浮提者是南洲也梵云闍浮提亦云瞻部是樹名
也此洲南邊有彼樹從樹爲名故無翻名若順義則
云勝金亦云闍減國其地如車南邊廣三由旬半三
邊各二千由旬隨其洲相人面亦然壽命不定劫初
無量或八萬歲七十六五萬一千一百乃至十歲故對
三洲云壽不定或可老少不定八萬非必八十歲非
必十故云不定也又多諸中夭云身量亦不定或千
二千尺三肘半四肘或時一肘余又於此洲有二千
五百大河各作利益此洲傍有一中洲一遮末羅洲

此云猶牛二筏羅遼末羅洲此云勝猶牛又於此中
而有諸國仁王經云有十六大國五百中國十小小
國無量粟散國上間首楞嚴云中間平陸有三千洲
大國凡有二千三百上相違如何荅楞嚴經惣舉大
國數仁王經別明歸佛國數故非相違歟或可經經
異說不須和會云俱舍頌云北洲定千年西東半半
減此洲壽不定後十初匝量上又云瞻部洲人量三
肘半四肘大乘劫章云劫初半尺東西北洲人倍倍
增如次上又曰明南闍浮提細相付三圖者須彌南面
當大海中有大雪山於彼山上生藥王樹亦名無盡

根而彼樹根從十六万八千由旬下盡金剛水輪際生彼樹若生根時一闍浮提諸樹皆亦生根若生莖時一切皆亦生莖若生枝時一切皆亦生枝若彼樹王生條葉華菓時亦一切闍浮諸樹生條葉等彼藥王樹根能生莖莖能生根根無有盡故名無盡根彼藥王樹於一切處皆令生長唯於二處所不能生所謂地獄及水輪中云又彼樹菓名曰肥膩牛若食之純得醍醐又於彼山有城名墮羅鉢底城此云門主城城中有神名曰伯太亦名於補怛洛迦山名曰大天本體音闍浮守護三神隨一其三神者一者大天亦名

雪山王也二者曾救衆生妙德夜神在天名北辰本地藥師三者妙德圓滿夜神在毗盧風蘭本地張陀此之三神劫初以來一闍浮提守護神也現在日域示現熊野三所亦是善財童子詣問知識五十三聖中三神也金剛童子又彼雪山北面有峯名香醉山兩山相去一千由旬於其中間而有三池名阿耨達此云無熱縱廣五十由旬無熱龍王之所居也八功德水充滿其中非得通人不得往彼池南邊有樹名闍浮樹此樹高大二千里也其葉甘味依看此樹此州名闍浮提云又從彼無熱池四河流出一名宛伽河池東面金象口出繞池一匝

流入東海二名信度河從池南面銀牛口出繞池一
迺入南海三名縛菖河從池西面吠琉璃馬口出繞
池一迺流入西海四名私多河從池北面頗胝迦帥
子口出繞池一迺流入北海此四大河各有四眷属
一一眷属各有五百眷属云又彼池主名無熟龍王
者無三熟故也其三熟者一者熟風吹熟沙燒著龍
身二者惡風暴起吹其宮殿而失龍宮寶財珍衣三
者龍娛樂時有金翅鳥忽入龍宮食龍子諸龍有此
憂彼龍無之故名無熟所云金翅鳥者玄贊云彼鳥
非備一色即備諸妙色故正可云妙翅鳥但云金翅

鳥者譯者訛也上言彼鳥梵云迦樓羅王此土訛翻
名金翅鳥正翻名爲妙翅鳥也其兩翅相去三百三
十一萬四千里也或云三百六十二萬里此鳥日別
食一頭大龍五百頭小龍但無熟池龍并化生龍受
戒龍及發菩提心龍無此難也但菩薩所胎經云金
翅鳥王身長八千由旬左右翅各各長四千由旬大
海縱廣三百三十六万里金翅鳥以翅研水取龍水
未合項後龍出上於彼雪嶺南面之麓三處而有三
重黑山於彼香山雪山黑山四邊下際各有一國北
面名胡西名婆至東名震旦南方天竺亦名印度名

復名月氏物有五天竺別有十六大國一舍衛國

百萬六千國祇園精舍在當國

有二橋薩羅國

有

一億二千國龍樹菩薩住慶也

三毗

舍離國

有十萬三千國淨名居士住居也轉法輪之所也

四彌提國

有九千國

五波羅國

有八萬國成道所也

七鳩留國

有七萬國入涅槃所

八鳩跋彌國

有七萬國一千國

九鳩尸那國

有六萬一千國

十二乾陀國

有二萬國

十羈賓國

有六萬國

十一伽羅捷駁國

有六萬國

十二乾陀國

有二萬國

十三舍陀國

有一百國

十四僧伽羅國

有六萬國

十五迦夷羅衛國

有六萬國

十六捷

那掘舍國

有五百萬一千國

波也又從天竺當東北

方隔三十万八千里山有震旦國大州三百六十八州

道十道縣三千七百二縣小國一千九百四十六國

四十九百國住官人千人四十國住將軍云市二千七十二座大河四十八万

四千河寺四万八千七十寺京師寺十四寺之中僧

寺七院僧七万口尼寺七院住七百口大臣四十人

百官四十九万六千人學生七百四十億人也摠而

四方地四十二万二千里之中東十万一千里西八

千里南二十一万里北十萬三千里也又從彼震且

當東北方隔一万三千里海有今此日本國東西二

千八百七十里南北五百三十七里三山六海一分

田也國六十六ヶ國鷗二郡五百七十八郡卿三十

七百七十二鄉也已上人趣畢

釋淨土二藏義卷第十二

伏見

光慶寺

